

## Y CYNGOR DINAS A SIR CAERDYDD SIR

Cyfarfu'r Cyngor Sir Dinas a Sir Caerdydd yn Neuadd y Sir, Caerdydd ar Dydd Iau, 23 Gorffennaf 2020 i drafod y busnes a nodir yn y wŷs Cyngor dyddiedig Dydd Gwener, 17 Gorffennaf 2020.

Yn

bresennol: Y Cynghorydd Sir De'Ath (Arglwydd Faer)

Cynghorwyr Sir Ahmed, Asghar Ali, Dilwar Ali, Berman, Bowden, Bowen-Thomson, Boyle, Bradbury, Bridgeman, Burke-Davies, Carter, Cowan, Cunnah, Derbyshire, Driscoll, Ebrahim, Elsmore, Ford, Gibson, Goddard, Goodway, Gordon, Henshaw, Gavin Hill-John, Philippa Hill-John, Hinchey, Hopkins, Howells, Hudson, Jacobsen, Jenkins, Jones-Pritchard, K Jones, Owen Jones, Joyce, Kelloway, Lancaster, Lay, Lent, Lister, Mackie, McGarry, McKerlich, Melbourne, Merry, Michael, Molik, Morgan, Naughton, Owen, Parkhill, Jackie Parry, Keith Parry, Patel, Dianne Rees, Mia Rees, Robson, Sandrey, Sattar, Simmons, Singh, Stubbs, Taylor, Graham Thomas, Huw Thomas, Lynda Thorne, Walker, Weaver, Wild, Williams, Wong a/ac Wood

## 48 : YMDDIHEURIADAU AM ABSENOLDEB

Derbyniwyd ymddiheuriadau gan y Cynghorydd Mike Phillips

## 49 : DATGAN BUDDIANNAU

Gwnaed y datganiadau buddiannau canlynol yn unol â Chod Ymddygiad yr Aelodau:

<b>Cynghorydd</b>	<b>Eitem</b>	<b>Natur y Buddiant</b>
Pob Cynghorydd	Eitem 5	Buddiant personol fel Cynghorwyr sy'n derbyn cydnabyddiaeth a bennwyd gan y Panel Annibynnol Cymru ar Gydnabyddiaeth Ariannol.
Y Cyng. Joel Williams	Eitem 7	Buddiant personol gan y'i cyflogir gan BCB International. Ar hyn o bryd yn cyflenwi Cyfarpar Diogelu Personol i'r Cyngor ac asiantaethau partner.
Cyng. Thomas Parkhill	Eitem 9	Buddiant personol, aelod o'r teulu yw sylfaenydd ac ymddiriedolwr ACMA (elusen cydraddoldeb hiliol sy'n gweithio mewn lleoliadau gofal iechyd a meddygol.
Y Cynghorydd Bablin Molik	Eitem 9	Buddiant personol fel aelod o gymuned PDdLIE yng Nghaerdydd.

Y Cyngorydd Bowen-Thomson	Eitem 8	Buddiant personol fel Prif Weithredwr – Cymru Ddiogelach sy'n rhedeg Radio Cardiff sy'n rhoi llais i'r cymunedau amlddiwylliannol yng Nghaerdydd.
---------------------------	---------	---

50 : COFNODION

Llofnodwyd cofnodion y cyfarfod a gynhaliwyd ar 25 Mehefin 2020 fel cofnod cywir.

51 : CYHOEDDIADAU'R ARGLWYDD FAER

Tynnodd yr Arglwydd Faer sylw at oleuo Castell Caerdydd mewn ymateb i'r pandemig coronafeirws byd-eang.

Nos Iau ddiwethaf, cafodd Castell Caerdydd ei oleuo i gefnogi Apêl Coronafeirws y Pwyllgor Argyfwng Trychinebau, sy'n codi arian i helpu gwladwriaethau mwyaf bregus y byd sydd dan fygythiad COVID-19.

Mae'r apêl a lansiwyd ddydd Mawrth 14 Gorffennaf yn dwyn ynghyd 7 elusen flaenllaw yng Nghymru, sydd eisoes ar lawr gwlad mewn lleoedd fel Yemen, Syria a De Swdan, gan helpu cymunedau i fynd i'r afael â'r bygythiad coronafeirws marwol.

Y gobaith oedd y bydd yr apêl, sy'n cael ei chyfateb gan lywodraeth y DU drwy gynllun Cymorth Cyfatebol yr Adran Datblygu Rhyngwladol, yn helpu rhai o gymunedau tlotaf a mwyaf agored i niwed y byd i gael gafael ar gyflenwadau hanfodol a chyfleusterau golchi dwylo.

Gellir rhoi rhoddion i Apêl Frys DEC ar-lein [www.dec.org.uk](http://www.dec.org.uk), drwy neges destun (Testun HELPU i 70150 i roi £10) neu ar 0370 60 60 900. Gellir anfon sieciau i Apêl Coronafeirws DEC, Blwch Post 999, Llundain EC3A 3AA.

52 : ATODLEN TALU AELODAU 2020 - 2021

Cynigiodd yr Aelod Cabinet dros Gyllid, y Cyngorydd Weaver yr adroddiad. Roedd yr adroddiad i nodi penderfyniadau Panel Annibynnol Cymru ar Gydabyddiaeth Ariannol yn ei Adroddiad Blynyddol yn yr adroddiadau canlynol.

- Cyhoeddwyd yr Adroddiad Blynyddol ym mis Chwefror 2020
- gyhoeddwyd yr Adroddiad Atodol ym mis Mai 2020, mewn perthynas â'r egwyddorion sy'n ymwneud ag Ad-dalu Costau Gofal.

Gofynnwyd i'r Aelodau hefyd gymeradwyo'r adroddiad i'w gyhoeddi erbyn 31 Gorffennaf 2020, Rhestr Cydnabyddiaeth yr Aelodau o Banel Annibynnol Cymru ar Gydabyddiaeth Ariannol yn ei Adroddiadau Blynyddol ac Atodol.

Eiliwyd yr adroddiad gan Arweinydd y Cyngor, y Cyngorydd Huw Thomas.

Cafodd yr adroddiad ei dderbyn.

PENDERFYNWYD:

CYTUNODD y Cyngor:

1. I nodi penderfyniadau Panel Annibynnol Cymru ar Gydnabyddiaeth Ariannol yn yr adroddiadau canlynol:
  - Yr Adroddiad Blynyddol a gyhoeddwyd ym mis Chwefror 2020;
  - Yr Adroddiad Atodol a gyhoeddwyd ym mis Mai 2020, mewn perthynas â'r egwyddorion sy'n ymwneud ag Ad-dalu Costau Gofal.
2. I gytuno i gadw nifer a dyraniad presennol swyddi Uwch Gyflogau, fel y nodir ym mharagraff 8 o'r adroddiad;
3. I nodi'r camau sydd i'w cymryd i fynd i'r afael ag argymhellion Panel Annibynnol Cymru ar Gydnabyddiaeth Ariannol mewn perthynas â threfniadau ar gyfer Ad-dalu Costau Gofal, fel y nodir ym mharagraff 16 o'r adroddiad;
4. I gymeradwyo Rhestr Cydnabyddiaeth yr Aelodau 2020/21, fel y nodir yn **Atodiad A** i'r adroddiad hwn, i'w gyhoeddi erbyn 31 Gorffennaf 2020; ac
5. I gymeradwyo dirprwyo awdurdod i'r Swyddog Monitro i ddiweddarau'r Atodlen Taliadau Cydnabyddiaeth Aelodau yn y Cyfansoddiad ac i wneud unrhyw newidiadau angenrheidiol i'r Atodlen 2020-2021 o bryd i'w gilydd yn ystod y flwyddyn ariannol er mwyn dangos unrhyw newidiadau mewn aelodaeth o'r Cyngor, Cabinet neu Bwyllgorau neu o ganlyniad i unrhyw Adroddiadau Ategol a gyhoeddwyd gan Banel Annibynnol Cymru ar Gydnabyddiaeth Ariannol.

53 : TREFNIADAU CRAFFU YN YSTOD CYFNOD AILDDECHRAU WEDI COVID-19

Cynigiodd y Cynghorydd Huw Thomas, Arweinydd y Cyngor, yr adroddiad. Roedd yr adroddiad i ganiatáu i'r Cyngor ailgychwyn ei bum pwyllgor craffu sefydlog i gefnogi gwaith craffu effeithiol a chymesur ar wneud penderfyniadau yn ystod cyfnod ailgychwyn COVID-19. Cafwyd diwygiad hefyd i baragraff 9 o'r adroddiad.

Eiliodd yr Aelod Cabinet dros Gyllid, y Cynghorydd Weaver yr adroddiad.

Derbyniwyd un Diwygiad i'r adroddiad gan Grŵp y Democratiaid Rhyddfrydol.

Cynigiodd y Cynghorydd Carter y diwygiad.

"Hoffem ddiwygio rhan 1 o'r argymhellion a dileu rhan 2.

Felly, byddem yn disodli:

'1. Cymeradwyo ailgychwyn pum pwyllgor craffu sefydlog y Cyngor gyda chylch gwaith penodol, o fewn eu maes cyfrifoldeb, er mwyn:

- a) Craffu cyn penderfynu ar holl benderfyniadau'r Cabinet, lle y bo'n briodol ac yn gymesur i wneud hynny;
- b) Craffu ar unrhyw faterion sy'n hollbwysig o ran amser a neu a allai gael effaith andwyol sylweddol ar enw da'r Cyngor; a
- c) Datblygu blaenoriaethau ar gyfer ystyriaeth graffu bosibl yn ystod 2020/21, mewn ymgynghoriad â'r aelod /aelodau Cabinet a Chyfarwyddwyr perthnasol.

2. Nodwch y gallai fod angen i Banel Craffu Covid-19 barhau i gyflawni ei swyddogaethau craffu os bydd ail uchafbwynt yn achosion Covid19 a mesurau cloi pellach, hyd nes y gellir cefnogi'r pwyllgorau craffu sefydlog i ailddechrau eu swyddogaethau.'

Gyda:

1. Cymeradwyo ailgychwyn pum pwyllgor craffu sefydlog y Cyngor gyda chylch gwaith penodol, **i gwrdd yn rhithwir** o fewn eu maes cyfrifoldeb, er mwyn:

- a) Craffu cyn penderfynu ar holl benderfyniadau'r Cabinet, lle y bo'n briodol ac yn gymesur i wneud hynny;
- b) Craffu ar unrhyw faterion sy'n hollbwysig o ran amser a neu a allai gael effaith andwyol sylweddol ar enw da'r Cyngor; a
- c) Datblygu blaenoriaethau ar gyfer ystyriaeth graffu bosibl yn ystod 2020/21, mewn ymgynghoriad â'r aelod /aelodau Cabinet a Chyfarwyddwyr perthnasol.

Eiliodd y Cynghorydd Boyle y diwygiad.

Gwahoddodd yr Arglwydd Faer drafodaeth ar yr adroddiad.

Gwahoddodd yr Arglwydd Faer y Cynghorydd Huw Thomas fel cynigydd yr adroddiad i ymateb i'r materion a godwyd yn y drafodaeth. Cadarnhaodd y Cynghorydd Thomas na dderbyniwyd y diwygiad.

Cynigiodd yr Arglwydd Faer bleidleisio ar y Diwygiad a gynigiwyd gan y Cynghorydd Carter a'i eilio gan y Cynghorydd Boyle.

COLLWYD y bleidlais.

Cynigiodd yr Arglwydd Faer bleidleisio ar yr argymhellion yn yr adroddiad, yn amodol ar y diwygiad ym mharagraff 9 o'r adroddiad.

ENILLWYD y bleidlais.

PENDERFYNWYD: CYTUNODD Y Cyngor i'r canlynol:

1, Cymeradwyo ailgychwyn pum pwyllgor craffu sefydlog y Cyngor gyda chylch gwaith penodol, o fewn eu maes cyfrifoldeb, er mwyn:

- a) Craffu cyn penderfynu ar holl benderfyniadau'r Cabinet, lle bo hynny'n briodol ac yn gymesur i wneud hynny;
- b) Craffu ar unrhyw faterion sy'n hollbwysig o ran amser a neu a allai gael effaith andwyol sylweddol ar enw da'r Cyngor; a
- c) Datblygu blaenoriaethau ar gyfer ystyriaeth graffu bosibl yn ystod 2020/21, mewn ymgynghoriad â'r aelod /aelodau Cabinet a Chyfarwyddwyr perthnasol

2. Nodwch y gallai fod angen i Banel Craffu Covid-19 barhau i gyflawni ei swyddogaethau craffu os bydd ail uchafbwynt yn achosion Covid19 a mesurau cloi pellach, hyd nes y gellir cefnogi'r pwyllgorau craffu sefydlog i aildechrau eu swyddogaethau.

#### 54 : DATGANIAD Y CYD-GABINET

Derbyniodd y Cyngor Ddatganiad y Cabinet ar y Cyd, a oedd yn cynnwys diweddariadau gan holl Bortffolios Aelodau'r Cabinet.

Derbyniwyd deunaw cwestiwn ar sail wleidyddol gyfrannol oddi wrth y Cynghorwyr canlynol:

Y Cynghorydd Oliver Owen  
Y Cynghorydd Joe Carter  
Y Cynghorydd Bowen-Thompson  
Y Cynghorydd Lister  
Y Cynghorydd Robson  
Y Cynghorydd Boyle  
Y Cynghorydd Driscoll  
Y Cynghorydd Keith Parry  
Y Cynghorydd McGarry  
Y Cynghorydd Gordon  
Y Cynghorydd Dilwar Ali  
Y Cynghorydd Hopkins  
Y Cynghorydd Ahmed  
Y Cynghorydd Jones-Pritchard  
Y Cynghorydd Mackie  
Y Cynghorydd Berman  
Y Cynghorydd Melbourne  
Y Cynghorydd Hudson

Ymatebodd Arweinydd y Cyngor ac Aelodau'r Cabinet i gwestiynau a godwyd ar y materion canlynol:

- Nifer yr ymwelwyr mewn parciau ac os oedd mwy o finiau'n cael eu darparu.
- Y gwaith paratoi sy'n gysylltiedig ag agor meysydd chwarae.
- Staff Cartrefi Gofal a'r gwaith a wnaed i gefnogi preswylwyr yn ystod y cyfnod hwn.

- Yr adborth a roddwyd gan bartneriaid mewn perthynas â Throseddau Ieuencid
- Pa ymgynghoriad a gynhaliwyd ar gau Stryd y Castell dros dro ac a oedd y cau hwn yn barhaol.
- Atal llifogydd ym Mhont Trelái.
- Tai, llwybr i bobl gael eu hail-gartrefu.
- Nifer y tai Cyngor sy'n cael eu hadeiladu yn y ddinas, yn enwedig yn ardal Ystum Taf.
- Addysg, cyllid i Ysgolion.
- Nifer y teuluoedd a gefnogir drwy fanciau bwyd
- Addysg, offer TG sydd wedi'i gyflenwi i ddisgyblion yn ystod cyfnod addysg yn y cartref.
- Darpariaeth a chymorth i blant yn ystod gwyliau'r ysgol a nifer y disgyblion sydd angen y gwasanaeth.
- Cymorth i fusnesau lleol a chymunedau lleol, gan gynnwys edrych ar y Strategaeth Economaidd bresennol, yn seiliedig ar egwyddorion sy'n cefnogi canol y ddinas.
- Fandaliaeth mynwentydd lleol
- Nifer y manau i'r anabl mewn canolfannau siopa lleol.

#### 55 : HYSBYSIAD O GYNNIG 1

Dyweddodd yr Arglwydd Faer fod yr hysbysiad o gynnig, a gynigiwyd gan y Cynghorydd Adrian Robson a'i gefnogi gan y Cynghorydd Shaun Jenkins, wedi'i dderbyn i'w ystyried a'i gynnwys yn y Gwahoddiad Cyfarfod. Roedd un diwygiad wedi dod i law

Gwahoddwyd y Cynghorydd Adrian Robson gan yr Arglwydd Faer i gynnig ei ddiwygiad fel a ganlyn:

"Mae'r Cyngor hwn yn nodi'r arolygiad ym mis Gorffennaf 2020 o'r Gwasanaethau Troseddau Ieuencid a gynhaliwyd gan Arolygiaeth Prawf Ei Mawrhydi.

Mae'r Cyngor hwn hefyd yn nodi bod Gwasanaeth Troseddau Ieuencid Caerdydd yn rhan o bortffolio'r Aelod Cabinet dros Blant a Theuluoedd.

Nid oes gan y Cyngor hwn hyder yn y Cabinet."

Eiliwyd y cynnig gan y Cynghorydd Shaun Jenkins.

Gwahoddodd yr Arglwydd Faer gynigydd y diwygiad, y Cynghorydd Rhys Taylor, i gyflwyno'r diwygiad:

Ychwanegu cyn "Nid oes gan y Cyngor hwn hyder yn y Cabinet."

"Mae'r Cyngor hwn yn galw am ymchwiliad llawn ac annibynnol i ddeall yr amgylchiadau a arweiniodd at y methiant gwasanaeth a nodwyd gan Arolygiaeth Prawf Ei Mawrhydi.

"Bydd yr ymchwiliad yn adrodd i'r Pwyllgor Craffu Plant a Phobl Ifanc ac i'r Cyngor.

"Bydd y Cyngor hwn yn gweithredu unrhyw ganfyddiadau sy'n codi o ganlyniad i'r ymchwiliad"

Eiliwyd y diwygiad yn ffurfiol gan y Cynghorydd Berman.

Gwahoddodd yr Arglwydd Faer drafodaeth ar hyn.

Gwahoddodd yr Arglwydd Faer y Cynghorydd Robson i ymateb i eitemau a godwyd yn ystod y drafodaeth. Nid oedd y Cynghorydd Robson yn derbyn y diwygiad.

Symudodd yr Arglwydd Faer i bleidleisio ar y diwygiad a gynigiwyd gan y Cynghorydd Taylor.

GWRTHODWYD y diwygiad.

Symudodd yr Arglwydd Faer i'r bleidlais ar y Cynnig.

METHODD y Cynnig.

56 : HYSBYSIAD O GYNNIG 2

Dywedodd yr Arglwydd Faer fod hysbysiad o gynnig, wedi'i gynnig gan y Cynghorydd Ebrahim a'i eilio gan y Cynghorydd Burke-Davies, wedi'i dderbyn i'w ystyried a'i gynnwys yn y Gwahoddiad Cyfarfod.

Derbyniwyd newid i'r Cynnig yn unol â Rheol Gweithdrefn Cyfarfod y Cyngor 22 (q). Roedd y newid wedi'i ddsbarthu i holl aelodau'r Cyngor. Nid oedd yr un aelod yn gwrthwynebu'r newid.

Roedd un diwygiad wedi dod i law

Gwahodwyd y Cynghorydd Ebrahim gan yr Arglwydd Faer i gynnig ei ddiwygiad fel a ganlyn:

Mae'r Cyngor hwn yn nodi:

Bod Syr Thomas Picton yn cael ei ddathlu ar ffurf cerflun yn y Neuadd Farmor fel rhan o gasgliad Arwyr Cymru.

Bod y digwyddiadau wedi dwyn sylw ehangach at ymddygiad Picton a'i rôl yn y fasnach mewn caethweision dros yr Iwerydd - gan gynnwys yr enw oedd ganddo o fod yn ddyn penodol greulon, a'i euogfarn am arteithio merch 14 oed yn anghyfreithlon.

Yn y bleidlais gyhoeddus yn 1913, ni phleidleisiodd y cyhoedd i Syr Thomas Picton gael ei gynnwys ymysg y cerfluniau yn Neuadd y Ddinas Caerdydd.

Bod Caerdydd yn ddinas amrywiol a chroesawgar

Mae'r Cyngor hwn yn credu:

Bod ymddygiad Picton fel Llywodraethwr Trinidad yn atgas, hyd yn oed yn ei oes ei hun, ac nad yw'n haeddu lle yng nghasgliad Arwyr Cymru.

Bod angen i'r broses o greu mwy o ymwybyddiaeth am hanes caethwasiaeth gynnwys ailasesiad o'r parch rydym yn ei ddangos tuag at Picton, a llawer o bobl eraill a oedd yn cymryd rhan mewn caethwasiaeth ac a oedd yn elwa ohoni.

Yr oedd, gan edrych yn ôl, yn gamgymeriad cynnwys Picton fel dewis yn y bleidlais gyhoeddus yn 1916, ac yn gamgymeriad nad oedd wedi'i dynnu'n gynharach.

Y bydd y penderfyniad democrataidd, gan gynrychiolwyr pobl Caerdydd, i symud y cerflun yn anfon neges at bobl Ddu yng Nghaerdydd a ledled y byd bod y ddinas yn cydnabod y rôl yr oedd pobl fel Picton yn ei chwarae yn y fasnach mewn caethweision a bod rhaid i ni fynd i'r afael â'r hiliaeth systematig sy'n dal i fodoli oherwydd caethwasiaeth ac Ymerodraeth.

Mae'r Cyngor hwn yn penderfynu:

- Tynnu cerflun Syr Thomas Picton o'r Neuadd Farmor ac ystyried ei roi'n rhywle arall gydag esboniad clir o'i weithredoedd.
- Croesawu cyflwyno Tasglu gan yr Arweinydd i fynd i'r afael â'r anghydraddoldeb y mae pobl PDdLIE yn ei wynebu a chynnwys cynrychiolaeth gan gymunedau Du Caerdydd.
- Cefnogi gwaith y Tasglu a galw ar y Cabinet i weithredu ei argymhellion
- Bod bywydau Du o bwys, ac na fydd unrhyw un ohonom ni'n gyfartal nes y bydd pob un ohonom ni'n gyfartal.

Eiliwyd y cynnig gan y Cynghorydd Burke-Davies

Gwahoddodd yr Arglwydd Faer gynigydd y diwygiad, y Cynghorydd Cowan, i gyflwyno'r diwygiad:

***Mae'r Cyngor hwn yn nodi:***

Bod Syr Thomas Picton yn gerflun enwog yn y Neuadd Farmor fel rhan o gasgliad Arwyr Cymru, oherwydd ei rôl a'i farwolaeth yn y pen draw ym Mrwydr Waterloo.

Bod y digwyddiadau diweddar wedi tynnu sylw ehangach at ymddygiad Picton a'i rôl yn y fasnach gaethwasiaeth drawsiewerydd.

Mai'r nodiadau cysylltiedig ar gyfer portread Syr Thomas Picton yng Nghasgliad Brenhinol y Frenhines o dros 250,000 o ddarnau celf fydd y cyntaf i gael eu diwygio i gynnwys cysylltiadau â'i weithredoedd.

***Mae'r Cyngor hwn yn nodi:***

Bod Caerdydd yn ddinas amrywiol a chroesawgar.

Bopd y Cabinet, ar 16<sup>eg</sup> Gorffennaf 2020, wedi sefydlu Tasglu Cydraddoldeb Hiliol newydd i weithredu ar anghydraddoldeb hiliol a mynd i'r afael ag anghyfiawnder hiliol yng Nghaerdydd.

***Mae'r Cyngor hwn yn credu:***

Dylai rôl Picton ym mrwydr Waterloo ac fel Llywodraethwr Trinidad gael ei rhoi mewn cyd-destun hanesyddol fel nad yw cenedlaethau'r dyfodol yn anghofio hanes a phwysigrwydd y digwyddiadau hyn.

***Mae'r Cyngor hwn yn penderfynu:***



1. Ymgynghori â sefydliadau perthnasol, megis yr Ymddiriedolaeth Casgliadau Brenhinol, ar fathau priodol o gydnabyddiaeth i bobl a/neu ddigwyddiadau eraill sydd o bwysigrwydd hanesyddol. Yn achos Syr Thomas Picton, dylai hyn gynnwys plac neu ddisgrifiad arall y gellir ei ychwanegu ger y cerflun yn Neuadd Marble.
2. Sicrhau bod pob Cynghorydd yn cael cyfle i gyfrannu at waith y Tasglu Cydraddoldeb Hiliol.
3. Ni fydd unrhyw argymhelliad a wneir gan y Tasglu Cydraddoldeb Hiliol yn cael ei weithredu heb ystyriaeth gan y Pwyllgor Craffu perthnasol a'i drafod yn y Cyngor Llawn. Byddai gweithredu argymhellion heb gynnwys prosesau democrataidd o bosibl yn rhwystro disgresiwn y Cyngor.
4. Bod Bywydau Du o Bwys, ac na fydd unrhyw un ohonom yn gyfartal nes y bydd pob un ohonom ni'n gyfartal.

Eiliwyd y diwygiad yn ffurfiol gan y Cynghorydd Parkhill.

Gwahoddodd yr Arglwydd Faer drafodaeth ar hyn.

Gwahoddodd yr Arglwydd Faer y Cynghorydd Ebrahim i ymateb i eitemau a godwyd yn ystod y drafodaeth. Nid oedd y Cynghorydd Ebrahim yn derbyn y diwygiad.

Symudodd yr Arglwydd Faer i bleidleisio ar y diwygiad a gynigiwyd gan y Cynghorydd Cowan.

**GWRTHODWYD** y diwygiad.

Symudodd yr Arglwydd Faer i'r bleidlais ar y Cynnig.

**ENILLWYD** y bleidlais.

57 : MATERION BRYS

Dim

58 : AELODAETH PWYLLGORAU

Derbyniodd y Cyngor adroddiad i dderbyn enwebiadau a gwneud penodiadau i swyddi gwag pwyllgor cyfredol, fel y nodir yn yr adroddiad ac yn unol â'r dyraniad cymeradwy o seddi a dymuniadau grwpiau gwleidyddol.

**PENDERFYNWYD:** bod y Cyngor yn **CYTUNO** i benodi i'r swyddi gwag ar y Pwyllgorau yn unol â'r dyraniad cymeradwy o seddi a dymuniadau grwpiau'r pleidiau fel y nodir ar y Daflen Ddiwygio.

59 : PENODI LLYWODRAETHWYR YSGOL AWDURDOD LLEOL

Penodi Llywodraethwyr Ysgol Awdurdodau Lleol i lenwi swyddi gwag

PENDERFYNWYD: Bod y Cyngor, yn unol ag argymhellion Panel Llywodraethwyr yr Awdurdod Lleol, yn cymeradwyo penodiadau newydd Llywodraethwyr Awdurdodau Lleol i gyrff llywodraethu ysgolion fel y nodir yn Atodiad 1, pob un am dymor o 4 blynedd o ddyddiad y penodiad.

60 : COFRESTR O BENDERFYNIADAU SWYDDOGION - SMT/19 20/84 - RHIF  
39

Nodwyd

61 : CWESTIYNAU YSGRIFENEDIG

Yn unol â Rheol Gweithdrefn y Cyngor 17 (f), caiff Cwestiynau Ysgrifenedig a dderbyniwyd i'w hystyried, a'r ymateb, eu cynnwys fel cofnod yng nghofnodion y cyfarfod.